

AN COIMISIÚN TOGHLACH

Táthar tar éis Coimisiún Toghlaigh a bhunú faoi alt 5 den Acht Toghcháin, 1997, chun tuarascáil a thabhairt faoi (a) na dailcheantair ina dtoghtar comhaltaí don Dáil, agus (b) na toghlaigh ina dtoghtar comhaltaí do Pharlaimint na hEorpa.

1. I dtaca le Dailcheantair, tá sé de cheangal ar an gCoimisiún, le linn na forálacha iomchuí den Bhunreacht a urramú, aird a thabhairt ar na nithe seo a leanas:
 - (a) ní bheidh an líon iomlán comhaltaí den Dáil, faoi réir Airteagal 16. 2. 2 den Bhunreacht, níos lú ná 164 ná níos mó ná 168;
 - (b) toghfar triúr, ceathrar nó cúigear comhalta i ngach dailcheantar;
 - (c) seachnófar sárú teorainneacha contae a mhéid is indéanta (Measfar nach bhfolaíonn an tagairt do theorainneacha contae tagairt do theorainn cathrach nó d'aon teorainn idir aon dá cheann de chontaetha rialtais áitiúil Dhún Laoghaire- Ráth an Dúin, Fine Gall agus Deisceart Bhaile Átha Cliath.
 - (d) limistéir thadhlaigh a bheidh i ngach dailcheantar;
 - (e) tabharfar aird ar chúrsaí geografacha lena n-áirítear gnéithe suntasacha fisiceacha agus fairsinge agus dlús an daonra i ngach dailcheantar; agus
 - (f) faoi réir na nithe sin thuas, déanfaidh an Coimisiún iarracht chun leanúnachas a choimeád ar bun i ndáil le socrú na ndailcheantar.
2. I dtaca le toghlaigh Eorpacha, tabharfaidh an Coimisiún aird ar na nithe seo a leanas:
 - (a) de réir fhorálacha Choradh Nice, is 12 líon iomlán na gcomhaltaí a thoghfad chuig Parlaimint na hEorpa ón Stát (13 i láthair na huair);
 - (b) beidh comhionannas réasúnach ionadaíochta ann amháil idir toghlaigh; agus
 - (c) na nithe a shonraítear in (b) go (f) de mhír 1 thuas.

Tá aighneachtaí i scríbhinn á lorg ag an gCoimisiún maidir le nithe is ceart a bhreithniú le linn a thuarascáil a ullmhú. Is ceart aighneachtaí a sheoladh chuig An Rúnaí, an Coimisiún Toghlaigh, Seomra 1.65, Teach an Chustaim, Baile Átha Cliath 1, nó le ríomhphost chuig constituency_commission@environ.ie.

Is ceart aighneachtaí faoi Dhailcheantair a chur ar fáil tráth nach déanaí ná **Dé Máirt an 31 Iúil 2007** agus is ceart aighneachtaí faoi toghlaigh Parlaimint na hEorpa a chur ar fáil tráth nach déanaí ná **Dé hAoine an 31 Lúnasa 2007**.

Foilseofar aighneachtaí a gheobhaidh an Coimisiún ar láithreán gréasáin an Choimisiúin ag www.constituency-commission.ie agus féadfar socrú a dhéanamh roimh ré leis an gCoimisiún chun na haighneachtaí sin a iniúchadh i dTeach an Chustaim, Baile Átha Cliath 1 (teileafón 01-8882339) idir 10.00am agus 4.30pm (Luan go hAoine) go dtí go mbeidh obair an Choimisiúin tugtha chun críche. Tá ceanglas ar an gCoimisiún tuarascáil a ullmhú tráth nach déanaí ná 6 mhí tar éis é a bhunú do (agus bunaíodh é an 26 Aibreán 2007).

Tá ráiteas ullmhaithe ag an gCoimisiún maidir leis na forálacha bunreachtúla a bhaineann le Dailcheantair agus tá táblaí ullmhaithe aige ina dtaispeántar staitisticí maidir leis na Dailcheantair láithreacha agus maidir le toghlaigh Parlaimint na hEorpa, staitisticí atá bunaithe ar Dhaonáireamh 2006. Tá an ráiteas agus na táblaí sin ar fáil ón gCoimisiún ach iad a iarraidh agus tá siad ar fáil

freisin ar láithreán gréasáin an Choimisiúin.